

M. Mirjana Malić

Na osnovu člana 12. stav 1. tačka c) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96- ispravka, 3/96-ispravka, 16/97, 14/00, 4/01 i 28/04), čl. 3. i 6. Zakona o ustanovama ("Službeni list Republike Bosne i Hercegovine", br. 6/92, 8/93 i 13/94) i člana 6. Zakona o pozorišnoj djelatnosti ("Službene novine Kantona Sarajevo", br. 14/00 i 25/06), Skupština Kantona Sarajevo, na sjednici održanoj _____ 2012. godine, donijela je

(Prijedlog)

ODLUKU
o izmjenama Odluke o preuzimanju prava osnivača
Javne ustanove "Narodno pozorište Sarajevo"

Član 1.

Čl. 4. i 5. Odluke o preuzimanju prava osnivača Javne ustanove "Narodno pozorište Sarajevo", („Službene novine Kantona Sarajevo“, br. 3/99- Prečišćeni tekst i 33/07), mijenjaju se i glase:

"Član 4.

Djelatnost Pozorišta je:

- 90.01 Izvođačka umjetnost
- 90.02 Pomoćne djelatnosti u izvođačkoj umjetnosti
- 90.04 Rad umjetničkih objekata."

Član 5.

Pored djelatnosti iz člana 4. Pozorište obavlja slijedeće privredne djelatnosti u manjem obimu ili povremeno koje služe ostvarivanju djelatnosti odnosno izvršavanju poslova radi kojih je ustanova osnovana i to:

- 56.10 Djelatnost restorana i ostalih objekata za pripremu i usluživanje hrane
- 56.29 Ostale djelatnosti pripreme i usluživanja hrane
- 56.30 Djelatnost pripreme i usluživanja pića."



Član 2.

Ova odluka stupa na snagu osmog dana od dana objavljivanja u "Službenim novinama Kantona Sarajevo."

Broj: 01-02- /12
Sarajevo, __. __. 2012. godine

PREDSJEDAVAJUĆA
SKUPŠTINE KANTONA SARAJEVO

Prof. dr. Mirjana Malić



O B R A Z L O Ž E N J E

I – PRAVNI OSNOV



Pravni osnov za donošenje Odluke o izmjenama Odluke o preuzimanju prava osnivača Javne ustanove "Narodno pozorište Sarajevo" sadržan je u odredbama člana 12. stav 1. tačka c) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96- ispravka, 3/96-ispravka, 16/97, 14/00, 4/01 i 28/04), čl. 3. i 6. Zakona o ustanovama ("Službeni list Republike Bosne i Hercegovine", br. 6/92, 8/93 i 13/94) i člana 6. Zakona o pozorišnoj djelatnosti ("Službene novine Kantona Sarajevo", br. 14/00 i 25/06).

- odredbama člana 12. stav 1. tačka c) Ustava Kantona Sarajevo određeno je da je isključiva nadležnost Kantona Sarajevo "utvrđivanje i provođenje kulturne politike",
- odredbama 18. stav 1. tačka b) Ustava da "Skupština Kantona donosi zakone i druge propise u okviru izvršavanja nadležnosti Kantona, izuzev propisa koji su ovim ustavom ili zakonom dati u nadležnost Vlade Kantona."
- odredbama člana 3. Zakona o ustanovama ("Službeni list R BiH", br. 6/92, 8/93 i 13/94), "određeno je da javnu ustanovu može osnovati Skupština Republike Bosne i Hercegovine, skupština opštine, skupština gradske zajednice i vjerska zajednica, samostalno ili sa drugim fizičkim licem kada nadležna skupština ocjeni da za njeno osnivanje postoji pravni interes.
- odredbama člana 6. Zakona o ustanovama ("Službeni list R BiH", br. 6/92, 8/93 i 13/94), određeno je da: "Osnivač donosi akt o osnivanju ustanove.
Akt o osnivanju ustanove sadrži:
 - naziv osnivača,
 - naziv i sjedište ustanove,
 - **djelatnost ustanove**,
 - iznos sredstava za osnivanje i početak rada ustanove i način njihovog obezbjeđivanja,
 - izvore i način obezbjeđivanja sredstava za rad ustanove,
 - međusobna prava i obaveze između osnivača i ustanove,
 - način raspolaganja viškom prihoda nad rashodima i način na koji se pokriva višak rashoda nad приходima,
 - prava, obaveze i odgovornosti ustanove u pravnom prometu;
 - lice koje će do imenovanja organa rukovođenja predstavljati i zastupati ustanovu i njegova ovlaštenja i odgovornosti,
 - rok za donošenje pravila ustanove, imenovanje organa upravljanja i rukovođenja ustanove,
 - druga pitanja od značaja za rad ustanove.

Odredbama člana 6. Zakona o pozorišnoj djelatnosti ("Službene novine Kantona Sarajevo", br. 14/00 i 25/06) određeno je da: "pozorište kao javnu ustanovu mogu osnovati Kanton, Grad Sarajevo i općina sa teritorije Kantona donošenjem akta o osnivanju pozorišta."

RAZLOZI ZA DONOŠENJE ODLUKE

Ovom odlukom mijenja se osnivački akt Javne ustanove u dijelu koji se odnosi na šifre djelatnosti Narodnog pozorišta Sarajevo, a u skladu sa Odlukom o klasifikaciji djelatnosti Bosne i Hercegovine 2010 ("Službeni glasnik Bosne i Hercegovine", broj 47/10).



Klasifikacija djelatnosti Bosne i Hercegovine 2010 upotrebljava se za određivanje djelatnosti, odnosno za razvrstavanje po djelatnostima poslovnih i drugih subjekata i njihovih dijelova za potrebe statistike, različitih službenih i drugih administrativnih zbirki podataka (evidencije, registri, baze podataka i sl.).

Iz tih razloga potrebno je uskladiti djelatnost ove javne ustanove sa važećom Odlukom.

Prema važećoj Odluci o klasifikaciji djelatnosti Bosne i Hercegovine 2010 ("Službeni glasnik Bosne i Hercegovine", broj 47/10) mijenjaju se odnosno usklađuju dosadašnje šifre djelatnosti i klasifikacija djelatnosti Javne ustanove "Narodno pozorište Sarajevo", sadržane u odredbama čl. 4. i 5. Odluke o preuzimanju prava osnivača Javne ustanove "Narodno pozorište Sarajevo", („Službene novine Kantona Sarajevo“, broj 3/99- Prečišćeni tekst i 33/07), na način da glase:

"Član 4.

Djelatnost Pozorišta je:

90.01 Izvođačka umjetnost

Ovaj razred uključuje:

pripremu i izvođenje pozorišnih predstava, koncerata, opera ili plesnih priredbi i drugih scenskih priredbi:

- djelatnost pozorišnih i plesnih grupa ili ansambala, cirkuskih trupa, orkestara ili muzičkih sastava
- djelatnost slobodnih umjetnika, kao što su glumci, plesači, muzičari, predavači ili govornici

90.02 Pomoćne djelatnosti u izvođačkoj umjetnosti

Ovaj razred uključuje:

pomoćne djelatnosti u izvođačkoj umjetnosti potrebne za izvođenje pozorišnih predstava, koncerata, opera ili plesnih priredbi i drugih scenskih priredbi:

- djelatnost režisera, producenata, dizajnera scenskih kulisa, scenskih radnika, kostimografa, majstora rasvjete itd.

Ovaj razred također, uključuje djelatnosti producenata ili organizatora umjetničkih događaja uživo, sa ili bez scenske opreme.

90.04 Rad umjetničkih objekata

Ovaj razred uključuje:

rad koncertnih i pozorišnih dvorana te ostalih umjetničkih objekata.



Član 5.

Pored djelatnosti iz člana 4. Pozorište obavlja slijedeće privredne djelatnosti u manjem obimu ili povremeno koje služe ostvarivanju djelatnosti odnosno izvršavanju poslova radi kojih je ustanova osnovana i to:

56.10 Djelatnost restorana i ostalih objekata za pripremu i usluživanje hrane

56.29 Ostale djelatnosti pripreme i usluživanja hrane

56.30 Djelatnost pripreme i usluživanja pića."



Broj: 09-02-21185/12
 Sarajevo, 03.07.2012. godine

04 -07- 2012

KANTON SARAJEVO
 MINISTARSTVO KULTURE I SPORTA

PREDMET: Stručno mišljenje na prijedlog Odluke o izmjenama Odluke o preuzimanju prava osnivača Javne ustanove "Narodno pozorište Sarajevo".-

Na osnovu člana 2. Uredbe o Uredu za zakonodavstvo Vlade Kantona Sarajevo («Službene novine Kantona Sarajevo», broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa («Službene novine Kantona Sarajevo», broj: 21/11-Novi prečišćeni tekst i broj: 30/11-Ispravka), Ured za zakonodavstvo Vlade Kantona Sarajevo, daje slijedeće

MIŠLJENJE

1. Prijedlog Odluke o izmjenama Odluke o preuzimanju prava osnivača Javne ustanove "Narodno pozorište Sarajevo" usklađen je sa odredbama Odluke o klasifikaciji djelatnosti Bosne i Hercegovine 2010 ("Službeni glasnik Bosne i Hercegovine", broj: 47/10).

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj 21/11-Novi prečišćeni tekst i broj: 30/11-Ispravka), te se isti može razmatrati na jednoj od narednih sjednica Vlade Kantona Sarajevo.


- Dostaviti:
 ① Naslovu
 2. Evidencija
 3. Arhiva



SEKRETAR

Ahmed E. Šabović, dipl. pravnik





SLUŽBENE NOVINE
KANTONA SARAJEVO

Srijeda, 24. februara 1999.

Broj 3 - Stran:

Član 11.

Pitanja prava i obaveza između osnivača i Muzeja koja nisu regulisana ovom odlukom, utvrđiće se ugovorom.

Član 12.

Organ upravljanja u Muzeju je Upravni odbor od pet članova. Jedna trećina članova Upravnog odbora po pravilu imenuje se iz reda stručnih kadrova zaposlenih u Muzeju. Predsjednika i članove Upravnog odbora imenuje i razrješava Vlada Kantona.

Član 13.

Organ rukovođenja u Muzeju je direktor. Direktora Muzeja imenuje Upravni odbor na osnovu konkursa koji se objavljuje u javnim glasilima, uz saglasnost Vlade Kantona. Direktor Muzeja ne može biti član Upravnog odbora. Direktor Muzeja ovlašten je da predstavlja i zastupa javnu ustanovu u okviru registrovane djelatnosti.

Član 14.

Organ kontrole poslovanja u Muzeju je Nadzorni odbor od tri člana. Predsjednika i članove Nadzornog odbora imenuje i razrješava Vlada Kantona.

Najmanje jedan član Nadzornog odbora imenuje se iz reda stručnih radnika zaposlenih u Muzeju.

Član 15.

Radnici Muzeja ostvaruju prava u skladu sa zakonom, pravilima Muzeja i kolektivnim ugovorom.

Član 16.

Muzej, višak prihoda nad rashodima koristi za obavljanje i razvoj djelatnosti.

Član 17.

Upravni odbor Muzeja uskladiće pravila, akt o unutrašnjoj organizaciji i druga akta u roku od 30 dana od dana stupanja na snagu ove odluke.

Član 18.

Nadzor nad zakonitosti rada Muzeja vrši Ministarstvo kulture i sporta Kantona Sarajevo.

Član 19.

Javna ustanova "Muzej Sarajeva", obavezna je da u roku od mjesec dana od dana stupanja na snagu ove odluke podnese prijavu radi upisa ovih promjena u sudski registar koji se vodi kod Kantonalnog suda u Sarajevu.

Član 20.

Za svoje obaveze Muzej odgovara svom svojom imovinom - potpuna odgovornost.

Osnivač Muzeja je supsidijarno odgovoran za obaveze Muzeja.

Član 21.

Danom stupanja na snagu ove odluke stavlja se van snage Odluka o davanju saglasnosti Upravnom odboru Javne ustanove Muzej grada Sarajeva za promjenu sjedišta Muzeja grada Sarajeva ("Službene novine Kantona Sarajevo", br. 6/97 i 9/97-ispravka).

Na osnovu člana 37. stav 4. alineja 3. i člana 152. stav 1. Poslovnika Skupštine Kantona Sarajevo ("Službene novine Kantona Sarajevo", br. 7/96, 10/96, 4/97 i 6/97), Zakonodavno-pravna komisija Skupštine Kantona Sarajevo na sjednici održanoj 22. februara 1999. godine, utvrdila je prečišćen

tekst Odluke o preuzimanju prava osnivača Javne ustanove Narodno pozorište Sarajevo.

Prečišćeni tekst Odluke o preuzimanju prava osnivača Javne ustanove Narodno pozorište Sarajevo obuhvata:

1. Odluku o zadržavanju prava osnivača Javne ustanove Narodno pozorište Sarajevo ("Službene novine grada Sarajeva", broj 10/94);
2. Odluku o izmjenama i dopunama Odluke o zadržavanju prava osnivača Javne ustanove Narodno pozorište Sarajevo ("Službene novine Kantona Sarajevo", broj 11/94) u kojima je označen dan stupanja na snagu tih odluka.

Broj 01-05-12-7/99

22. februara 1999. godine
Sarajevo

Predsjednik

Zakonodavno-pravne komisije
Avdo Čampara, s. r.

ODLUKA

**O PREUZIMANJU PRAVA OSNIVAČA JAVNE
USTANOVE NARODNO POZORIŠTE SARAJEVO**

(PREČIŠĆEN TEKST)

Član 1.

Kanton Sarajevo preuzima prava osnivača Javne ustanove Narodno pozorište, Sarajevo, registrovane kod Višeg suda Sarajevu, pod brojem 3. - 102, dana 26. 1. 1996. godine, k nastavlja sa radom kao Javna ustanova u državnoj svojini.

Član 2.

Javna ustanova u državnoj svojini iz prethodnog člana postaje pod nazivom: Narodno pozorište, Sarajevo (u daljem tekstu: Pozorište).

Sjedište Pozorišta je u Sarajevu, Obala Kulina bana 9.

Član 3.

Pozorište ima svojstvo pravnog lica.

Član 4.

Djelatnost pozorišta je:

- 92. rekreativne, kulturne i sportske djelatnosti,
- 92.31. umjetničko i književno stvaralaštvo i scensko izvođenje (reproduktivna umjetnost),
- 92.32. djelatnost objekata za kulturne priredbe.

Član 5.

Pored djelatnosti iz člana 4. Pozorište obavlja slijedeće privredne djelatnosti u manjem obimu ili povremeno koje služe ostvarivanju djelatnosti odnosno izvršavanju poslova radi kojih je ustanova osnovana i to:

- 55.5. ugostiteljstvo,
- 55.30. restorani
- 55.31. kantine (menze).

Član 6.


Za privredne djelatnosti iz člana 5. Pozorište je obavezno voditi odvojeno materijalno-finansijsko poslovanje.

Troškovi poslovanja nastali po osnovu obavljanja djelatnosti iz člana 5. ne mogu teretiti troškove poslovanja iz člana 4. ove odluke.

Član 7.

Danom stupanja na snagu ove odluke Pozorište preuzima objekat, opremu na korištenje i prava i obaveze Radne organizacije "Narodno pozorište".

Objekat i oprema iz stava 1. ovog člana su svojina osnivača



Član 8.

Izvori sredstava za rad Pozorišta su:

- sredstva iz budžeta Federacije Bosne i Hercegovine,
- sredstva osnivača,
- od naknada za obavljanje kulturnih i drugih usluga.

Član 9.

Pitanja prava i obaveza između osnivača i Pozorišta koja nisu regulisana ovom odlukom, uređiće se ugovorom.

Član 10.

Organ upravljanja u Pozorištu je Upravni odbor od pet članova.

Jedna trećina članova Upravnog odbora po pravilu imenuje se iz reda stručnih saradnika zaposlenih u Pozorištu.

Predsjednika i članove Upravnog odbora imenuje i razrješava Vlada Kantona Sarajevo.

Član 11.

Organ rukovođenja u Pozorištu je direktor.

Direktora imenuje Upravni odbor, na osnovu konkursa koji se objavljuje u javnim glasilima, uz saglasnost Vlade Kantona.

Direktor ne može biti član Upravnog odbora.

Član 12.

Organ kontrole poslovanja u Pozorištu je Nadzorni odbor od tri člana.

Predsjednika i članove Nadzornog odbora imenuje i razrješava Vlada Kantona Sarajevo.

Jedan član Nadzornog odbora imenuje se iz reda stručnih radnika zaposlenih u Pozorištu.

Član 13.

Radnici Pozorišta ostvaruju svoja prava u skladu sa Zakonom, Pravilima Pozorišta i kolektivnim ugovorom.

Član 14.

Upravni odbor Pozorišta uskladiće se njenim odredbama: Pravila, akt o sistematizaciji radnih mjesta i druga akta u roku od 60 dana od dana stupanja na snagu ove odluke.

Član 15.

Nadzor nad zakonitošću rada Pozorišta vrši Ministarstvo kulture i sporta Kantona Sarajevo.

Član 16.

Za svoje obaveze Pozorište odgovara svom svojom imovinom - potpuna odgovornost.

Osnivač je supsidijarno odgovoran za obaveze Pozorišta.

Član 17.

Na osnovu ove odluke izvršiće se promjena upisa djelatnosti i drugih podataka u sudskom registru javnih ustanova.

Na osnovu člana 37. stav 4. alineja 3. i člana 152. stav 1. Poslovnika Skupštine Kantona Sarajevo ("Službene novine Kantona Sarajevo", br. 7/96, 10/96, 4/97 i 6/97), Zakonodavno-pravna komisija Skupštine Kantona Sarajevo na sjednici održanoj 22. februara 1999. godine, utvrdila je prečišćen tekst Odluke o preuzimanju prava osnivača Javne ustanove "Pozorište mladih", Sarajevo

Prečišćeni tekst Odluke o preuzimanju prava osnivača Javne ustanove "Pozorište mladih", Sarajevo obuhvata:

1. Odluku o preuzimanju prava osnivača Radne organizacije "Pozorište mladih", Sarajevo ("Službene novine grada Sarajeva", broj 10/92);

2. Odluku o izmjenama i dopunama Odluke o preuzimanju prava osnivača Radne organizacije "Pozorište mladih" Sarajevo ("Službene novine Kantona Sarajevo", br. 9/93);

3. Odluku o preuzimanju i izmjenama i dopunama Odluke o preuzimanju prava osnivača Javne ustanove "Pozorište mladih", Sarajevo ("Službene novine Kantona Sarajevo" broj 14/97);

u kojima je označen dan stupanja na snagu tih odluka.

Broj 01-05-12-8/99
22. februara 1999. godine
Sarajevo

Predsjednik
Zakonodavno-pravne komisije
Avdo Čampara, s. r.

ODLUKA

O PREUZIMANJU PRAVA OSNIVAČA JAVNE USTANOVE "POZORIŠTE MLADIH", SARAJEVO

Član 1.

Ovom odlukom preuzima se Odluka o preuzimanju prava osnivača Javne ustanove "Pozorište mladih", Sarajevo ("Službene novine grada Sarajeva", br. 10/92 i 9/93) kao Odluka Kantona Sarajevo.

Član 2.

Kanton Sarajevo preuzima prava osnivača Javne ustanove "Pozorište mladih", Sarajevo koja nastavlja sa radom kao kantonala Javna ustanova u državnoj svojini.

Član 3.

Naziv Javne ustanove je "Pozorište mladih", Sarajevo (dalje u tekstu: Pozorište).

Sjedište Pozorišta je u Sarajevu, Ulica Kulovića 8.

Član 4.

Pozorište ima svojstvo pravnog lica.

Član 5.

Djelatnost Pozorišta je:

- 92.31. Umjetničko i književno stvaralaštvo i scensko izvođenje (reproduktivna umjetnost).
- 92.32. Djelatnost objekata za kulturne priredbe,
- 92.34. Ostale zabave djelatnosti, na drugom mjestu navedenim.

Član 6.

Pozorište ne može promijeniti djelatnost iz člana 5. ove odluke bez saglasnosti osnivača.

Član 7.

Danom stupanja na snagu ove odluke, Pozorište preuzima objekte i opremu na korišćenje i prava i obaveze bivše grad Javne ustanove "Pozorište mladih", Sarajevo.

Objekti i oprema iz stava 1. ovog člana svojina su Kantona Sarajevo.


Član 8.

Izvori sredstava za rad Pozorišta su:

- sredstva osnivača,
- iz naknada za obavljanje intelektualnih i drugih usluga
- iz legata, poklona, zavještavanja i iz drugih izvora.

Član 9.

Vlada Kantona daje saglasnost na pravila, planove razvoja i godišnji program rada Pozorišta.



SLUŽBENE NOVINE
KANTONA SARAJEVO

Broj 33 – Strana 2626

Utorak, 23. oktobra 2007.

Član 8.

Ovlašćuje se Zakonodavna komisija Skupštine Kantona Sarajevo da utvrdi prečišćeni tekst Odluke o preuzimanju prava osnivača Javne ustanove "Kamerni teatar 55" Sarajevo.

Član 9.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-24515/07 Predsjedavajući
26. septembra 2007. godine Skupštine Kantona Sarajevo
Sarajevo dr. Denis Zvizdić, s. r.

Na osnovu člana 12. stav 1. tačka c. i člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 6. Zakona o ustanovama ("Službeni list RBiH", broj 6/92, 8/93 i 13/94) i člana 6. Zakona o pozorišnoj djelatnosti ("Službene novine Kantona Sarajevo", broj 14/00 i 25/06), Skupština Kantona Sarajevo, na sjednici održanoj 26. septembra 2007. godine, donijela je

ODLUKU

**O IZMJENAMA I DOPUNAMA ODLUKE O
PREUZIMANJU PRAVA OSNIVAČA JAVNE
USTANOVE "POZORIŠTE MLADIH" SARAJEVO**

Član 1.

U članu 3. Odluke o preuzimanju prava osnivača Javne ustanove "Pozorište mladih" Sarajevo ("Službene novine Kantona Sarajevo", broj 3/99 - Prečišćeni tekst), iza stava 2. dodaju se novi st. 3. i 4. koji glase:

"Naziv i sjedište Pozorišta iz st. 1. i 2. ovog člana može se promijeniti."

"Odluku o promjeni naziva i sjedišta Pozorišta donosi Skupština Kantona Sarajevo (u daljnjem tekstu: Skupština) na prijedlog Vlade Kantona".

Član 2.

U članu 6. dodaju se novi st. 1. i 2. koji glase:

"Djelatnost Pozorišta iz člana 5. ove Odluke može se proširiti ili promijeniti."

"Odluku o proširenju ili promjeni djelatnosti donosi Skupština na prijedlog Vlade Kantona".

Dosadašnji stav 1. postaje stav 3.

Član 3.

U članu 9. iza riječi "pravila" dodaju se riječi: "pravilnik o unutrašnjoj organizaciji i sistematizaciji", a ostali dio teksta ostaje nepromijenjen.

Član 4.

Iza člana 12. dodaje se novi član 12a. koji glasi:

"Član 12.a.

Vlada Kantona će razriješiti predsjednika i člana Upravnog odbora, direktora i predsjednika i člana Nadzornog odbora i prije isteka mandata na koji su imenovani u sljedećim slučajevima:

- ako utvrdi da je odgovoran za neuspješan ili nezakonit rad Pozorišta,
- ako je Pozorište poslovalo sa gubitkom dvije (2) godine uzastopno,
- na njegov lični zahtjev,
- ako Skupština ne usvoji godišnji izvještaj o radu i finansijskom poslovanju Pozorišta,
- u drugim slučajevima utvrđenim zakonom i pravilima ustanove.

Procedura usvajanja izvještaja o radu i finansijskom poslovanju ustanove, posljedice mogućeg neusvajanja

navedenih akata, kao i postupak i način razrješenja predsjednika članova upravnog i nadzornog odbora i direktora, precizirati Pravilima Pozorišta."

Član 5.

U čl. 15. i 17. riječ "ove" briše se, a riječ "odluke" zamjenjuje se riječima: "Odluke o izmjenama i dopunama Odluke o preuzimanju prava osnivača Javne ustanove "Pozorište mladih" Sarajevo.

Član 6.

Iza člana 16. dodaje se novi član 16a. koji glasi:

"Član 16a.

Upravni, odnosno nadzorni odbor obavezan je Ministarstvu kulture i sporta Kantona Sarajevo redovno dostavljati zapisnike sa održanih sjednica upravnog, odnosno nadzornog odbora, a izvještaj o radu godišnje.

Godišnji izvještaj o radu sadrži: izvještaj o izvršenom godišnjem programu rada, izvještaj o finansijskom poslovanju, izvještaj o radu upravnog odbora i izvještaj o radu nadzornog odbora."

Član 7.

Upravni odbor Pozorišta dužan je da u roku od 30 dana od dana stupanja na snagu ove Odluke uskladi Pravila i Pravilnik o radu, unutrašnjoj organizaciji i sistematizaciji radnih mjesta i druge opće akte sa odredbama ove Odluke.

Član 8.

Ovlašćuje se Zakonodavna komisija Skupštine Kantona Sarajevo da utvrdi prečišćeni tekst Odluke o preuzimanju prava osnivača Javne ustanove "Pozorište mladih" Sarajevo.

Član 9.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-24517/07 Predsjedavajući
26. septembra 2007. godine Skupštine Kantona Sarajevo
Sarajevo dr. Denis Zvizdić, s. r.

Na osnovu člana 12. stav 1. tačka c. i člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 6. Zakona o ustanovama ("Službeni list RBiH", broj 6/92, 8/93 i 13/94) i člana 6. Zakona o pozorišnoj djelatnosti ("Službene novine Kantona Sarajevo", broj 14/00 i 25/06), Skupština Kantona Sarajevo, na sjednici održanoj 26. septembra 2007. godine, donijela je

ODLUKU

**O IZMJENAMA I DOPUNAMA ODLUKE O
PREUZIMANJU PRAVA OSNIVAČA JAVNE
USTANOVE "NARODNO POZORIŠTE SARAJEVO"**

Član 1.

U članu 2. Odluke o preuzimanju prava osnivača Javne ustanove "Narodno pozorište Sarajevo" ("Službene novine Kantona Sarajevo", broj 3/99 - Prečišćeni tekst), iza stava 2. dodaju se st. 3. i 4. koji glase:

"Naziv i sjedište Pozorišta iz st. 1. i 2. ovog člana može se promijeniti."

"Odluku o promjeni naziva i sjedišta Pozorišta donosi Skupština Kantona Sarajevo (u daljnjem tekstu: Skupština) na prijedlog Vlade Kantona".

Član 2.

Iza člana 5. dodaje se novi član 5a. koji glasi:



23. oktobra 2007.

Član 5a.

Djelatnost Pozorišta iz čl. 4. i 5. ove Odluke može se proširiti ili promijeniti."

Odluku o proširenju ili promjeni djelatnosti donosi Skupština na prijedlog Vlade Kantona".

Član 3.

Iza člana 9. dodaje se novi član 9a. koji glasi:

Član 9a.

Vlada Kantona Sarajevo daje saglasnost na pravila, pravilnik o unutrašnjoj organizaciji i sistematizaciji, planove rada i razvoja godišnji program rada Pozorišta".

Član 4.

U čl. 14. i 17. riječ "ove" briše se, a riječ "odluke" zamjenjuje riječima: "Odluke o izmjenama i dopunama Odluke o preuzimanju prava osnivača Javne ustanove "Narodno pozorište Sarajevo".

Član 5.

Iza člana 15. dodaje se novi čl. 15a. koji glasi:

Član 15a.

Vlada Kantona će razriješiti predsjednika i člana Upravnog odbora, direktora i predsjednika i člana Nadzornog odbora i prije isteka mandata na koji su imenovani u slijedećim slučajevima:

– ako utvrdi da je odgovoran za neuspješan ili nezakonit rad Pozorišta,

– ako je Pozorište poslovalo sa gubitkom dvije (2) godine uzastopno,

– na njegov lični zahtjev,

– ako Skupština ne usvoji godišnji izvještaj o radu i finansijskom poslovanju Pozorišta,

– u drugim slučajevima utvrđenim zakonom i pravilima ustanove.

Procedura usvajanja izvještaja o radu i finansijskom poslovanju ustanove, posljedice mogućeg neusvajanja godišnjih akata, kao i postupak i način razrješenja predsjednika i članova upravnog i nadzornog odbora i direktora, precizirat će se u pravilima Pozorišta."

Član 6.

Iza člana 16. dodaje se novi član 16a. koji glasi:

Član 16a.

Upravni, odnosno nadzorni odbor obavezan je da Upravstvu kulture i sporta Kantona Sarajevo redovno dostavlja izvještaje sa održanih sjednica upravnog, odnosno nadzornog odbora i izvještaj o radu godišnje.

Godišnji izvještaj o radu sadrži: izvještaj o izvršenju godišnjeg programa rada, izvještaj o finansijskom poslovanju, izvještaj o radu upravnog odbora i izvještaj o radu nadzornog odbora.

Član 7.

Upravni odbor Pozorišta dužan je da u roku od 30 dana od stupanja na snagu ove Odluke uskladi Pravila i Pravilnik o unutrašnjoj organizaciji i sistematizaciji radnih mjesta i opće akte sa odredbama ove Odluke.

Član 8.

Ustavne se Zakonodavna komisija Skupštine Kantona Sarajevo, da utvrdi prečišćeni tekst Odluke o preuzimanju prava osnivača Javne ustanove "Narodno pozorište Sarajevo".

Član 9.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-24518/07
26. septembra 2007. godine
Sarajevo

Predsjedavajući
Skupštine Kantona Sarajevo
dr. Denis Zvizdić, s. r.

Na osnovu člana 12. stav 1. tačka c. i člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 6. Zakona o ustanovama ("Službeni list RBiH", broj 6/92, 8/93 i 13/94) i člana 25., a u vezi člana 4. stav 1. Zakona o muzejskoj djelatnosti, ("Službene novine Kantona Sarajevo", broj 2/00 i 7/05), Skupština Kantona Sarajevo, na sjednici održanoj 26. septembra 2007. godine, donijela je

ODLUKU

**O IZMJENAMA I DOPUNAMA ODLUKE O
PREUZIMANJU PRAVA OSNIVAČA JAVNE
USTANOVE "COLLEGIUM ARTISTICUM" SARAJEVO**

Član 1.

U članu 3. Odluke o preuzimanju prava osnivača Javne ustanove "Collegium artisticum" Sarajevo ("Službene novine Kantona Sarajevo", br. 3/99 - Prečišćeni tekst i 10/99) iza stava 2. dodaju se novi st. 3. i 4. koji glase:

"Naziv i sjedište "Collegiuma" iz st. 1. i 2. ovog člana može se promijeniti".

"Odluku o promjeni naziva i sjedišta "Collegiuma" donosi Skupština Kantona Sarajevo (u daljnjem tekstu: Skupština) na prijedlog Vlade Kantona".

Član 2.

U članu 6. dodaju se novi st. 1. i 2. koji glase:

"Djelatnost "Collegiuma" iz člana 5. ove odluke može se proširiti ili promijeniti".

"Odluku o proširenju ili promjeni djelatnosti donosi Skupština na prijedlog Vlade Kantona".

Dosadašnji stav 1. postaje stav 3.

Član 3.

U članu 9. iza riječi "pravila" dodaju se riječi: "pravilnik o unutrašnjoj organizaciji i sistematizaciji", a ostali dio teksta ostaje nepromijenjen.

Član 4.

Iza člana 13. dodaje se novi član 13a. koji glasi:

Član 13a.

Vlada Kantona će razriješiti predsjednika i člana Upravnog odbora, direktora i predsjednika i člana Nadzornog odbora i prije isteka mandata na koji su imenovani u sljedećim slučajevima:

– ako utvrdi da je odgovoran za neuspješan ili nezakonit rad "Collegiuma",



– ako je "Collegium" poslovao sa gubitkom dvije (2) godine uzastopno,

– na njegov lični zahtjev,

– ako Skupština ne usvoji godišnji izvještaj o radu i finansijskom poslovanju "Collegiuma",

– u drugim slučajevima utvrđenim zakonom i pravilima ustanove.

Procedura usvajanja izvještaja o radu i finansijskom poslovanju ustanove, posljedice mogućeg neusvajanja navedenih akata, kao i postupak i način razrješenja predsjednika i članova upravnog i nadzornog odbora i direktora, precizirat će se u Pravilima "Collegiuma".



IZVOD IZ USTAVA KANTONA SARAJEVO

III- NADLEŽNOSTI KANTONA

Član 11.

Određivanje nadležnosti

Kanton ima nadležnosti određene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona

Član 11a³

Kanton osigurava da konstitutivni narodi i pripadnici grupe Ostalih budu proporcionalno zastupljeni u ministarstvima Kantona. Takva proporcionalna zastupljenost u skladu je sa popisom stanovništva iz 1991. godine do potpune provedbe Aneksa 7.


Član 12.

Isključive nadležnosti

U okviru svojih nadležnosti Kanton je nadležan za:

- a) uspostavljanje i nadziranje policijskih snaga;
- b) utvrđivanje obrazovne politike, uključujući donošenje propisa o obrazovanju i osiguranje obrazovanja;
- c) utvrđivanje i provođenje kulturne politike;
- d) utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
- e) utvrđivanje politike koja se tiče reguliranja i osiguravanja javnih službi;
- f) donošenje propisa o korištenju lokalnog zemljišta, uključujući i zoniranje;
- g) donošenje propisa o unapređivanju lokalnog poslovanja i dobrotvornih aktivnosti;
- h) donošenje propisa o lokalnim postrojenjima za proizvodnju energije i osiguranje njihove dostupnosti;
- i) utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- j) provođenje socijalne politike i uspostava službi socijalne zaštite;
- k) stvaranje i primjena politike turizma i razvoja turističkih resursa;
- l) stvaranje pretpostavki za optimalni razvoj privrede koja odgovara urbanoj sredini;
- m) finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

³ Ovaj član je dodan Amandmanom XIX („Službene novine Kantona Sarajevo“, broj 28/04)



Član 17.

Skupština je jednodomo predstavničko tijelo sastavljeno od 35⁴ poslanika.
(Stav 2. je brisan⁵)

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje četiri godine.⁶

Klub delegata konstitutivnog naroda formira se uz uslov da postoji najmanje jedan delegat tog konstitutivnog naroda u Skupštini.⁷

Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) _____⁸
- d) utvrđuje politiku i donosi programe razvoja Kantona;
- e) potvrđuje Vladu Kantona⁹;
- f) _____¹⁰
- g) _____¹¹
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prenosu ovlaštenja Kantona na općinu, Grad¹² i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

⁴ Broj poslanika Skupštine izmijenjen je Amandmanom XIV („Službene novine Kantona Sarajevo“, broj 14/00). Nije brisan raniji tekst u zagradi „(četrdesetpet)“, ali se očito radi o grešci, pa smo ovaj tekst izostavili

⁵ Stav 2. brisan je Amandmanom XX („Službene novine Kantona Sarajevo“, broj 28/04), a dosadašnji st.3. i 4. postali su st. 2. i 3.

⁶ Stav 3. izmijenjen je Amandmanom XX („Službene novine Kantona Sarajevo“, broj 28/04)

⁷ Iza stava 3. dodat je novi stav 4. – Amandmanom XX („Službene novine Kantona Sarajevo“, broj 28/04)


⁸ Tačka c) brisana je Amandmanom XXI („Službene novine Kantona Sarajevo“, broj 28/04)

⁹ Tačka e) izmijenjena je Amandmanom XXI („Službene novine Kantona Sarajevo“, broj 28/04)

¹⁰ Tačka f) je brisana Amandmanom XXI („Službene novine Kantona Sarajevo“, broj 28/04)

¹¹ Tačka g) brisana je Amandmanom XXI („Službene novine Kantona Sarajevo“, broj 28/04)

¹² Riječ “općine” zamijenjena je riječima: “općinu, Grad” - Amandmanom III („Službene novine Kantona Sarajevo“, broj 16/97)



SLUŽBENI LIST

REPUBLIKE BOSNE I HERCEGOVINE

Godina I - Broj 6

Ponedjeljak, 15. juna 1992.
SARAJEVO

Akncija pretplate
za 1992. godinu 3.900 dinara
Žiro-račun 10100-603-1396

110 6/92 8/93 13/94

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM

O USTANOVAMA

I - OSNOVNE ODREDBE

Član 1.

Ustanova, u smislu ove uredbe, osniva se za obavljanje djelatnosti obrazovanja, nauke, kulture, fizičke kulture, zdravstva, dječije zaštite, socijalne zaštite, socijalne sigurnosti i drugih djelatnosti utvrđenih zakonom, ako cili obavljanja djelatnosti nije sticanje dobiti

Ustanova ima svojstvo pravnog lica.

Član 2.

Ustanovu može osnovati domaće odnosno strano pravno i fizičko lice (u daljem tekstu: osnivač) u svim oblicima svojine. Zakonom se može utvrditi da strano i pravno i fizičko lice ne može osnovati ustanovu za obavljanje određene djelatnosti.

Član 3.

Za obavljanje javne službe osniva se javna ustanova. Pod javnom službom, u smislu ove uredbe, podrazumijeva se trajno i nesmetano obavljanje djelatnosti u javnom interesu Republike Bosne i Hercegovine (u daljem tekstu: Republika), pštine ili gradske zajednice.

Javnu ustanovu može osnovati Skupština Republike Bosne i Hercegovine (u daljem tekstu: Skupština RBiH), skupština pštine, skupština gradske zajednice i vjerska zajednica, sa ostalno ili sa drugim pravnim odnosno fizičkim licem, kada adležna skupština ocijeni da za njeno osnivanje postoji javni interes.

Član 4.

Radnici ostvaruju svoja prava u ustanovi, u skladu sa zakonom, kolektivnim ugovorom i pravilima ustanove.

- OSNIVANJE USTANOVE

Član 5.

Ustanova se može osnovati ako su ispunjeni uslovi za osnivanje i početak rada ustanove, u skladu sa zakonom.

Sredstva za ispunjenje uslova iz stava 1. ovog člana obezbeđuje osnivač.

Član 6.

Osnivač donosi akt o osnivanju ustanove.

Akt o osnivanju ustanove sadrži:

- naziv osnivača,
- naziv i sjedište ustanove,
- djelatnost ustanove,
- iznos sredstava za osnivanje i početak rada i način njihovog obezbjeđivanja,
- izvore i način obezbjeđivanja sredstava za rad ustanove,
- međusobna prava i obaveze između osnivača i ustanove,
- način raspolaganja viškom prihoda nad rashodima i način na koji se pokriva višak rashoda nad prihodima,
- prava, obaveze i odgovornost ustanove u pravnom prometu,
- lica koje će do imenovanja organa rukovođenja predstavljati i zastupati ustanovu i njegova ovlaštenja i odgovornosti,
- rok za donošenje pravila ustanove, imenovanje organa upravljanja i rukovođenja ustanove,
- druga pitanja od značaja za rad ustanove.

Član 7.

Ustanovu mogu osnovati dva ili više osnivača. Ako ustanovu osniva dva ili više osnivača, njihova međusobna prava, obaveze i odgovornosti uređuju se ugovorom koji se zaključuje u pismenoj formi.

Član 8.

Osnivač može prenijeti i obaveze osnivača na drugo pravno ili fizičko lice. Aktom o prenošenju prava i obaveza osnivača uređuje se način zaštite prava korisnika usluga i druga pitanja od značaja za promjenu osnivača ustanove.

Član 9.

Ustanova ne može početi da obavlja djelatnost dok nadležni organ uprave koji vrši nadzor nad zakonitosti rada riješenjem ne utvrdi da su ispunjeni uslovi utvrđeni zakonom.

III - DJELATNOST, STATUSNE PROMJENE I UDRUŽIVANJE USTANOVA

Član 10.

Ustanova može obavljati više djelatnosti iz člana 1. ove uredbe, ako ispunjava uslove utvrđene zakonom za svaku od tih djelatnosti.

Član 11.

Ustanova može, bez upisa u sudski registar, da obavlja privrednu djelatnost i privrednu aktivnost radi zbrinjavanja poslovno nesposobnih lica i profesionalnog osposobljavanja i zapošljavanja invalidnih lica, u manjem obimu ili povremeno, ako ta djelatnost odnosno aktivnost služi ostvarivanju djelatnosti odnosno izvršavanju poslova radi kojih je ustanova osnovana.

Član 12.

Ustanovi se mogu povjeriti javna ovlaštenja iz djelokruga organa državne uprave za vršenje i stručnih poslova, u skladu sa zakonom.

Član 13.

Pravilima ustanove može se utvrditi da dio ustanove ima određena ovlaštenja u pravnom prometu, kao i poseban obračun rezultata poslovanja, u skladu sa zakonom.

Dio ustanove iz stava 1. ovog člana nema svojstvo pravnog lica.

Član 14.

Ustanova može proširiti ili promijeniti djelatnost, kao i izvršiti statusne promjene: spajanje, pripajanje, podjelu i izdvajanje.

Odluku iz stava 1. ovog člana donosi osnivač.

Član 15.

Osnivači ustanova koje su se spojile odlučuju o preuzimanju prava i obaveza osnivača prema ustanovi koja je nastala spajanjem.

Osnivač ustanove koja se podijelila i ustanove iz koje se izdvojio dio u samostalnu ustanovu odlučuje o preuzimanju prava i obaveza osnivača prema ustanovama koje su nastale podjelom, odnosno prema ustanovi koja je nastala izdvajanjem.

Prava i obaveze osnivača prema ustanovi koja se pripojila drugoj ustanovi prestaju danom upisa akta o pripajanju u sudski registar.

U slučaju statusne promjene ustanove imovinska i druga prava i obaveze uređuju se ugovorom.

Član 16.

Ustanova može ugovorom povjeriti drugoj ustanovi, preduzeću ili fizičkom licu obavljanje administrativno-tehničkih i pomoćnih poslova, u skladu sa zakonom.

Član 17.

Zakonom se može propisati obaveza udruživanja ustanova u odgovarajući oblik udruživanja (u daljem tekstu: obavezni oblik udruživanja), njegova prava, obaveze, način sticanja sredstava za rad, način upravljanja i rukovođenja i druga pitanja.

Ustanove udružene u obavezni oblik udruživanja zadržavaju svojstvo pravnog lica.

Član 18.

Rad ustanova i obaveznog oblika udruživanja je javan.

IV - SJEDIŠTE I NAZIV USTANOVE

Član 19.

Sjedište ustanove je mjesto u kome se obavlja djelatnost radi koje je ustanova osnovana.

Ako se djelatnost obavlja u više mjesta, sjedištem se smatra mjesto koje je određeno pravilima ustanove.

Član 20.

Ustanova može promijeniti sjedište uz saglasnost osnivača. Odluka o promjeni sjedišta ustanove donosi se na način utvrđen pravilima ustanove.

Član 21.

Naziv ustanove je ime pod kojim ustanova radi. Ustanova može promijeniti naziv, uz saglasnost osnivača.

Odluka o promjeni naziva ustanove donosi se na način utvrđen pravilima ustanove.

Pravilima ustanove može se utvrditi da dio ustanove, iz člana 13. ove uredbe može, uz naziv ustanove, dodati i bliži naziv tog dijela ustanove.

Član 22.

Naziv ustanove upućuje na djelatnost i sjedište ustanove. Ustanova može imati i skraćeni naziv. Naziv i skraćeni naziv mora se istaći na ulazu u poslovne prostorije ustanove.

Član 23.

U naziv ustanove može se unijeti ime umrle istorijske i druge znamenite ličnosti.

Za unošenje u naziv imena iz stava 1. ovog člana potrebna je dozvola organa uprave koji vrši nadzor nad zakonitošću rada ustanove, osim ako je jedan od osnivača Skupština R BiH, skupština opštine ili skupština gradske zajednice, kao i priština srodnika te ličnosti do trećeg stepena srodstva, ako zakonom ili drugim propisom nije drugačije određeno.

Na zahtjev organa uprave koji vrši nadzor nad zakonitošću rada ustanove ili srodnika iz stava 2. ovog člana nadležni viši sud odlučuje da se iz naziva ustanove briše ime umrle istorijske ili druge znamenite ličnosti, ako ocijeni da je načinom obavljanja djelatnosti ustanove ugled te ličnosti doveden u pitanje.

U naziv ustanove ne može se unijeti naziv Republike, opštine ili gradske zajednice, osim ako zakonom nije drugačije određeno.

V - ORGAN UPRAVLJANJA, RUKOVOĐENJA I DRUGI ORGANI U USTANOVAMA

Član 24.

Organ upravljanja u ustanovi je upravni odbor.

Organ rukovođenja u ustanovi je direktor, upravnik, dekan ili drugi odgovarajući poslovodni organ utvrđen zakonom (u daljem tekstu: direktor).

Organ kontrole poslovanja u ustanovi je nadzorni odbor.

Član 25.

Upravni odbor ima najmanje tri, a najviše devet članova. Predsjednika i članove upravnog odbora imenuje i razrješava osnivač.

Predsjednika i članove upravnog odbora javne ustanove imenuje i razrješava, u ime osnivača, Vlada Republike Bosne i Hercegovine (u daljem tekstu: Vlada R BiH), izvršni organ opštine ili izvršni organ gradske zajednice.

Jedna trećina članova upravnog odbora, po pravilu, imenuje se iz reda stručnih radnika zaposlenih u ustanovi.

Predsjednik i članovi upravnog odbora imenuju se za vrijeme od četiri godine i mogu biti ponovno imenovani.

Direktor ustanove ne može biti član upravnog odbora.

Broj članova upravnog odbora bliže se određuje pravilima ustanove, u skladu sa zakonom ili aktom o osnivanju ustanove.


Član 26.

Osnivač odnosno Vlada R BiH, izvršni organ opštine ili izvršni organ gradske zajednice može razriješiti predsjednika i člana upravnog odbora i prije vremena za koje je imenovan, ako utvrdi da je odgovoran za neuspjeh ili nezakonit rad ustanove, na njegov lični zahtjev i u drugim slučajevima utvrdjenim zakonom i pravilima ustanove.

Član 27.

Upravni odbor

- donosi pravila ustanove,
- imenuje i razrješava direktora,
- utvrđuje planove rada i razvoja,
- utvrđuje godišnji program rada,
- donosi finansijski plan i usvaja godišnji obračun,
- donosi opšti akt o unutrašnjoj organizaciji i sistematizaciji poslovanja druge opšte akte, u skladu sa zakonom i pravilima ustanove,
- odlučuje o svim pitanjima obavljanja djelatnosti ustanove, osim ako je ustanova osnovana, ako zakonom nije određeno da dio



IZVOD IZ ZAKONA O POZORIŠNOJ DJELATNOSTI

(„Službene novine Kantona Sarajevo“, br 14/00 i 25/06)

Član 4.

Pozorišnom djelatnošću mogu se baviti i visokoškolske ustanove koje obrazuju pozorišne umjetnike, ukoliko u okviru registrovane umjetničke djelatnosti pripremaju i javno izvode scenske projekte ili obavljaju usluge iz pozorišne djelatnosti.

II - OSNIVANJE POZORIŠTA

Član 5.

Pozorište se osniva u skladu sa posebnim zakonom kojim se uređuje rad ustanova. Osnivači pozorišta mogu biti domaća i strana pravna i fizička lica pod uslovima utvrđenim ovim zakonom.

Član 6.

Pozorište kao javnu ustanovu mogu osnovati Kanton, Grad Sarajevo (u daljem tekstu: Grad) i općina sa teritorije Kantona (u daljem tekstu: općina), donošenjem akta o osnivanju pozorišta.

Član 15.


Odredbe ovog zakona o osnivanju, registraciji, radu i prestanku rada pozorišta odgovarajuće se primjenjuju na filharmonije, simfonijske orkestre, koncertne agencije i druge profesionalne ansamble i muzičko-scenske grupe, ako posebnim zakonom nije drugačije određeno.

1. Pozorište kao javna ustanova

Član 16.

Kanton, Grad ili opština sa teritorije Kantona osniva pozorište kao javnu ustanovu (u daljem tekstu: pozorište) radi trajnog i nesmetanog obavljanja pozorišne djelatnosti u javnom interesu.

Član 17.

*Struktura KD BiH 2010 sa objašnjenjima***PODRUČJE R - UMJETNOST, ZABAVA I REKREACIJA**

Ovo područje uključuje široki raspon djelatnosti kako bi se zadovoljili različiti kulturni, zabavni i rekreacijski interesi javnosti, uključujući izvođenje uživo, rad muzeja, djelatnosti kockanja, sportske i rekreacijske djelatnosti.

90 Kreativne, umjetničke i zabavne djelatnosti

Ova oblast uključuje rad objekata te pružanje usluga u svrhu zadovoljavanja kulturnih i zabavnih interesa njihovih korisnika. To uključuje pripremu i promociju izvođenja uživo, priredbi ili izložbi namijenjenih javnosti, kao i učestvovanje u njima, odnosno pružanje umjetničkih, kreativnih ili tehničkih vještina za stvaranje umjetničkih djela i izvođenja uživo.

Ova oblast isključuje:

- rad muzeja svih vrsta, botaničkih i zooloških vrtova; očuvanje historijskih znamenitosti; djelatnosti prirodnih rezervata (vidi oblast 91)
- djelatnosti kockanja i klađenja (vidi oblast 92)
- sportske, zabavne i rekreacijske djelatnosti (vidi oblast 93).

Neke jedinice koje pružaju kulturne, zabavne ili rekreacijske sadržaje i usluge razvrstane su u drugim oblastima, kao što su:

- proizvodnja i distribucija filmova i videofilmova (vidi 59.11, 59.12, 59.13)
- prikazivanje filmova (vidi 59.14)
- emitiranje radijskog i televizijskog programa (vidi 60.1, 60.2)

90.0 Kreativne, umjetničke i zabavne djelatnosti

Ova grana uključuje izvođačku umjetnost i umjetničko stvaralaštvo te s njima povezane djelatnosti.

90.01 Izvođačka umjetnost

Ovaj razred uključuje:

- pripremu i izvođenje pozorišnih predstava, koncerata i opera ili plesnih priredbi i drugih scenskih priredbi:
 - djelatnosti pozorišnih i plesnih grupa ili ansambala, cirkuskih trupa, orkestara ili muzičkih sastava
 - djelatnosti slobodnih umjetnika, kao što su glumci, plesači, muzičari, predavači ili govornici

Ovaj razred isključuje:

- djelatnosti ličnih pozorišnih ili umjetničkih agenata ili agencija (vidi 74.90)
- djelatnosti u vezi s dodjelom pozorišnih ili filmskih uloga (vidi 78.10)

90.02 Pomoćne djelatnosti u izvođačkoj umjetnosti


Ovaj razred uključuje:

- pomoćne djelatnosti u izvođačkoj umjetnosti potrebne za izvođenje pozorišnih predstava, koncerata i opera ili plesnih priredbi i drugih scenskih priredbi:
 - djelatnosti režisera, producenata, dizajnera scenskih kulisa, scenskih radnika, kostimografa, majstora rasvjete itd.

Ovaj razred, također, uključuje djelatnosti producenata ili organizatora umjetničkih događaja uživo, sa ili bez scenske opreme.

Ovaj razred isključuje:

- djelatnosti ličnih pozorišnih ili umjetničkih agenata ili agencija (vidi 74.90)
- djelatnosti u vezi s dodjelom pozorišnih ili filmskih uloga (vidi 78.10)



Struktura KD BiH 2010.sa objašnjenjima

90.03 Umjetničko stvaralaštvo

Ovaj razred uključuje:

- djelatnosti slobodnih umjetnika, kao što su kipari, slikari, crtači crtanog filma ili karikaturnisti, graveri, bakroresci itd.
- djelatnosti slobodnih autora za različita područja, uključujući beletristiku, kao i tehničke tekstove
- djelatnost neovisnih novinara
- restauriranje umjetničkih djela, kao što su umjetničke slike itd.

Ovaj razred isključuje:

- izradu skulptura, osim umjetničkih originala (vidi 23.70)
- restauriranje orgulja i drugih historijskih muzičkih instrumenata (vidi 33.19)
- proizvodnju filmova i videofilmova (vidi 59.11, 59.12)
- restauriranje namještaja (osim predmeta muzejskih zbirki) (vidi 95.24)

90.04 Rad umjetničkih objekata

Ovaj razred uključuje:

- rad koncertnih i pozorišnih dvorana te ostalih umjetničkih objekata

Ovaj razred isključuje:

- rad kinematografa (vidi 59.14)
- djelatnosti agencija za prodaju karata (vidi 79.90)
- rad muzeja svih vrsta (vidi 91.02)

91 Biblioteke, arhivi, muzeji i ostale kulturne djelatnosti

Ova oblast uključuje djelatnosti biblioteka i arhiva; rad muzeja svih vrsta, botaničkih i zooloških vrtova; rad historijskih mjesta i djelatnosti prirodnih rezervata.

Također uključuje očuvanje i izlaganje predmeta, znamenitosti i prirodnih čuda historijske, kulturne i obrazovne važnosti (npr. znamenitosti svjetske baštine itd.).

Ova oblast isključuje:

- sportske, zabavne i rekreacijske djelatnosti, kao što je rad kupališta i rekreacijskih parkova (vidi oblast 93)

91.0 Biblioteke, arhivi, muzeji i ostale kulturne djelatnosti

91.01 Djelatnosti biblioteka i arhiva


Ovaj razred uključuje:

- dokumentacijske i informacijske djelatnosti biblioteka svih vrsta, čitaonica, slušaonica i prostorija za gledanje te javnih arhiva, koji pružaju usluge javnosti i posebnim korisnicima, kao što su studenti, naučnici, djelatnici, članovi itd., kao i rad državnog arhiva:
 - organiziranje zbirki, specijaliziranih ili nespecijaliziranih
 - izrada kataloga (katalogiziranje zbirki)
 - posuđivanje i čuvanje knjiga, geografskih karata, časopisa, filmova, ploča, vrpce, umjetničkih djela itd.
 - pronalaženje materijala prema zahtjevima korisnika itd.
- djelatnosti fototeka i filmoteka

91.02 Djelatnosti muzeja

Ovaj razred uključuje:

- rad muzeja svih vrsta:

*Struktura KD BiH 2010 sa objašnjenjima***56.1 Djelatnosti restorana i ostalih objekata za pripremu i usluživanje hrane****56.10 Djelatnosti restorana i ostalih objekata za pripremu i usluživanje hrane**

Ovaj razred uključuje djelatnosti dostavljanja pripremljenih obroka potrošačima, bilo da im je pripremljeni obrok serviran dok su na mjestu ili svatko sebi servira izložene pripremljene obroke, bilo da potrošači konzumiraju pripremljene obroke na licu mjesta, odnose ih sa sobom ili su im dostavljeni. Ovo uključuje pripremu i serviranje obroka za izravnu potrošnju s motoriziranog vozila ili kolica za serviranje obroka.

Ovaj razred uključuje djelatnosti:

- restorana
- kafeterija
- restorana brze hrane
- mjesta za pripremu obroka za konzumiranje van objekta pripreme
- kamiona za prodaju sladoleda
- pokretnih kolica s hranom
- pripreme hrane na štandovima na tržnicama

Ovaj razred također uključuje:

- djelatnosti restorana i barova vezanih za transport, kada se obavljaju pomoću izdvojenih jedinica

Ovaj razred isključuje:

- trgovinu na malo hranom putem samoposlužnih aparata, vidi 47.99
- djelatnosti pripreme hrane na bazi koncesija, vidi 56.29

56.2 Djelatnosti kateringa i ostale djelatnosti pripreme i usluživanja hrane

Ova grana uključuje djelatnosti dostavljanja hrane za pojedinačne događaje ili za ugovoreno vremensko razdoblje te djelatnosti dostave hrane na bazi koncesije, kao što je dostavljanje hrane za sportske i slične događaje.

56.21 Djelatnosti kateringa

Ovaj razred uključuje usluge opskrbe hranom koje se temelje na ugovoru s kupcima, na lokaciji koju je odredio kupac, za određeni događaj.

Ovaj razred isključuje:

- proizvodnju lako pokvarljive hrane za preprodaju, vidi 10.89
- trgovinu na malo lako pokvarljivom hranom, vidi oblast 47

56.29 Ostale djelatnosti pripreme i usluživanja hrane


Ovaj razred uključuje industrijski katering, tj. usluge dostave hrane koje se temelje na ugovoru s kupcem, za određeno razdoblje. Također su uključene djelatnosti dostavljanja hrane koje se temelje na koncesiji za vrijeme sportskih i sličnih događaja. Hrana se obično priprema u centralnoj jedinici.

Ovaj razred uključuje:

- usluge dostave hrane na osnovi ugovora (npr. za prijevozna poduzeća)
- djelatnosti dostave hrane na osnovi koncesija za sportske i slične događaje
- djelatnosti kantina i kafeterija (npr. za tvornice, urede, bolnice ili škole) na osnovi koncesije

Ovaj razred isključuje:

- proizvodnju lako pokvarljive hrane za preprodaju, vidi 10.89
- trgovinu na malo lako pokvarljivom hranom, vidi oblast 47



Struktura KD BiH 2010 sa objašnjenjima

56.3 Djelatnosti pripreme i usluživanja pića

56.30 Djelatnosti pripreme i usluživanja pića

Ovaj razred uključuje djelatnosti pripremanja i serviranja pića za direktnu potrošnju na licu mjesta.

Ovaj razred uključuje djelatnosti:

- barova
- taverni
- koktel barova
- diskoteka (u kojima se ponajprije nude pića)
- pivnica
- kafaña
- barova za pripremu voćnih napitaka
- pokretnih prodavača pića

Ovaj razred isključuje:

- preprodaju pakovanog/pripremljenog pića (vidi 47)
- trgovinu na malo pićima putem samoposlužnih aparata (vidi 47.99)
- djelatnost diskoteka i plesnih dvorana koje ne nude pića (vidi 93.29)